



БЛАГОВЪСТНИК

РОЧНИК VII. * ЧИСЛО 4. * АПРѢЛЬ 1927.

ОТВѢЧАТЕЛЬНЫЙ РЕДАКТОР: О. ЕМИЛІЯН БОКШАЙ

СОДЕРЖАНІЕ:

Блажени непорочніи въ пути, ходящіи въ законѣ Господни. — Въ честь Преосвящ. Епископа Пряшевскаго о. Павла Гайдичъ Ч. св. В. В. — Извъ схизматицко-большевицкого раю на Подк. Руси. — Нашѣ листы. — Де знайти правду? — Яку вѣру

приняли Русины? — Роздоръ за Керуларія. — Ци Русь одпала одъ каѳолицескої Церкви за Керуларія? — Роздоръ на Руси. — Въ оборонѣ вѣры. — Мъсячное намѣреніе на Апрѣль. — Дописи. — Новости. — Благодареніе. — Подяка.

ВЫДАЕ ВЫДАВНИЦТВО ЧИНА СВ. ВАСИЛІЯ ВЕЛ. В УЖГОРОДѢ

из книгопечатни ОО. ВАСИЛІЯН В УЖГОРОДѢ, УЛ. РАКОВЦІЯ ЧИСЛО 54.

Выдавництво Чина св. Василія Великого въ Ужгородѣ

поручає слѣдуючѣ книжки своєго изданія:

Да святится Имя Твое. Молитвословъ для молодежи, составилъ о. П. К. ЧСВВ. Стор. 231. (Печат. церковнославянскими буквами).

Содержаніе: Короткій катехизмъ. Молитвы повседневніи, утренніи, вѣчерніи, подчасъ Службы Божої, передъ и по Сповѣди, передъ и по св. Причастію, до Пресв. Сердца Іисуса, до Преч. Дѣви Марії и до св. Іосифа; Чинъ Вечерніи, Утрени, Божественна Литургія, Тропари и Кондаки воскресни, на всякое прощеніе и о усопшихъ; Пѣснѣ на Рождество Христове, въ честь Пресв. Тройцѣ, къ Пресв. Дѣвѣ Маріи и въ честь св. Отца Николая.

Оправленый коштує 5 Кч., а зъ почтовою засылкою 5 Кч 60 гелеровъ.

Молебень къ Святѣйшому Сердцу Іисуса и къ Преч. Дѣвѣ Маріи. Содержить кромѣ 2 молебновъ, дасколько пѣсней къ Пресв. Сердцу Іисуса и Преч. Дѣвѣ Маріи и Пѣснь благальну (супликацію). Печатана окремо руською, а окремо латинскою азбukoю.

Стор. 44. — Книжочка стоять 80 гел., съ почтовою засылкою 1 Кч.

Найсвятѣйшое Сердце Спасителя. Коротка наука для членовъ о-ва Святѣйшого Сердца Іисуса Христа. Изд. 6-ое. Стор. 64.

Содержаніе: Исторія набожности до Пресв. Сердца Іисуса и ласки, которыя Іисусъ пріобѣнявъ почитателямъ Пресв. Сердца. Повинности для членовъ сего общества. Дасколько молитовъ къ Пресв. Сердцу Іисуса. Молебень къ Пресв. Сердцу Іисуса. Пѣсня благальна (супликація). Золота корунка къ П. С. Іисуса. Дасколько пѣсней къ П. С. Іисуса. Прочто почитаеме П. Сердце Іисуса? Печатана окремо руською, а окремо латинською азбukoю.

Книжочка сеся стоять 1·50 Кч., а съ почтовою засылкою 1·70 Кч.

Популярнѣ катехитичнѣ проповѣди для католицкого народу. Часть I. Зъ нѣмецкого переложивъ о. др. Ярославъ Левицкій. Книжка мѣстить въ собѣ 81 практичныхъ проповѣдей про вѣру въ систематичномъ порядку. Оброблюванѣ темы дуже актуальнѣ.

Цѣна за 1 примѣрникъ 20 Кч., а съ почтовою засылкою 21·80 Кч.

Стойте въ вѣрѣ. Листъ I. Изясненіе правды св. каѳолицкоѣ Церкви про походженя св. Духа отъ Отца и Сына. Стор. 7. Листъ II. Оборона чести Пресвятої Дѣви Маріи. Стор. 7.

Цѣна обохъ брошуръ разомъ 60 гел., съ почтовою засылкою 80 гел.

Протиалъкоголичнѣ брошурки: 1. „Пяпциамъ на закуску“, 2. „Погарчикъ для тверезыхъ“, 3. „На здоровля“. Цѣна З брошурокъ 1·20 Кч, съ почт. 1·60 Кч.

Засылається лемъ за готовъ грошъ або за послѣплатою (dobirka)

Листы и грошъ треба засылати на адресу:

Выдавництво Чина св. Василія Великого, Ужгородъ,
Раковці улица число 54.

Листы изъ заграницы треба адресовати такъ:

Vydavnyctvo Čyna sv. Vasiliya Velikoho, Užhorod,
Rakociho ulica č. 54. Podkarp. Rus. ČSR. — Европа.

БЛАГОВѢСТНИКЪ

ДУХОВНА ГАЗЕТА ДЛЯ ПОДКАРПАТСКИХЪ РУСИНОВЪ

Выходитъ 1-го кождого мѣсяца.

Адреса

Редакцій, администрацій и експедицій:
Видавництво Чина св. Василія Великого
въ Ужгородѣ, улиця Раковци число 54.

Предплаты:

Въ Республіцѣ на цѣлый рокъ 10 Кч.,
за границю 17 Кч. – До Америки 0·50 (половъ) дол.
Одно число „Благовѣстника“ стоить 1 Кч.

РОЧНИКЪ VII.

ЧИСЛО 4.

АПРѢЛЬ 1927.

Ілажени непорочнїй къ путь, ходѧши
къ Закону Господни. (Пс. 118, 1).

СВЯТЫЙ, великий постъ уже наставъ. Се часъ поважноѣ застановы, часъ покаянія и поправы житія.

Хочешь сего, ци не хочешь, мусишь разстatisя зъ симъ свѣтомъ. Ни ты, ни я не вѣчнѣ на сей земли. Мусишь разъ еѣ лишити. Может и не задовго. Кто знае, ци дочекаешся святого Великодня. Может заспѣваютъ надъ тобою до сего часу „вѣчную память“. Прото не треба забывать намъ на сесю святу правду, что мы, хотя и на земли живеме, та не для земли, але для неба!

Богъ небесный, котрого всемогуча рука нась сотворила, хоче, абы мы всѣ по дочасномъ житію до неба пойшли, а спасенѣ были. „Богъ ѿщетъ всѣмъ чловѣкамъ спасенїе и въ разумѣ йстини прїйти“. (Тим. 2, 4). каже самъ Духъ святый.

Та твое спасеніе не туй на земли, але у другомъ житію, по смерти. Тому каже намъ Божественный Спаситель, абы мы не прильплялися сердцемъ до земли и не глядали земныхъ скарбовъ, але измагалися якъ наибольше призбирати собѣ сокровищъ небесныхъ. (Мат. 6, 19, слѣд.) Передъ усѣмъ другимъ гадковати каже Господь и глядати Божого царства и дороги до него, се е христіянскоѣ праведности. (Мат. 6, 38). А чтобы мы на сесѣ важнѣ правды и перестороги не забывали, нагадуе намъ на нихъ въ сей любой молитвѣ, въ нашомъ солодкомъ „Отченashi“. Да прїдетъ царствіе твое! Се горячое желаніе христіянского сердця, абы Богъ небесный помогъ намъ осягнути вѣчное спасеніе.

Христосъ Господь не лишь хоче наше спасеніе и пригадуе намъ на небесное царство, где чекае нась безмежное добро и щастя, але въ добротѣ своей показуе намъ дорогу, котра до небесного царства веде. Сеся дорога, то Божа воля, заповѣди Божѣ. „Ще ѿщети війти въ животъ, соблюдї заповѣди“. (Мат. 19, 17). „Не всїкъ глаголай ми Господи, Господи, вийдеть во царствіе небесное,

но твоїй волю Отцѧ моєгѡ йже на певсѧхъ“. (Мат. 7, 21). Сей отже буде спасеннымъ, котрый держить Божъ заповѣди.

Пока однакъ живеме туй на земли, не знае никто, ци певно буде спасеннымъ. Не знае чоловѣкъ, ци е достойный любви Божоѣ, ци може гнѣвъ Божій повисъ надъ нимъ. (Екл. 9, 1). Тому и св. Павло перестерѣгае: „Со страхомъ и трепетомъ спасеніе вѣше содѣлайтє“. (Филип. 2, 12).

Той самъ одначе св. апостоль, а радше черезъ него самъ Духъ святый учитъ насъ, чого намъ треба вароватися, абы не затратити душъ своеѣ и не згубити неба. Онъ ясно всѣмъ показуе, кто не буде спасеннымъ, кто не увойде у Божое царство, кто не буде нѣколи оглядати Божого лиця.

Послухай, брате и сестро, апостола Христового. А добрѣ розважъ каждое его слово тай запиши его на самомъ днѣ своего христіянского сердця. Бо важное оно, даже важное. Руками и ногами его держися и не забудь, доки жити будешь. Ось оно: „Не листите себѣ: ни блудници, ни ідолослвжитeli, ни прелюбодїни, ни сквернитeli, ни малакіи, ни мжеложници, ни лихоймци, ни татіе, ни піяніци, ни досадитeli, ни хйщници царствію Божію не наслѣдатъ“. (І. Кор. 5, 10).

Страшное се слово. Повторяе его св. апостоль еще въ посланію до Галатовъ (Гл. 5, 21), и до Ефесейовъ (Гл. 5, 4). Симъ словомъ уже выданый засудъ проклятия на деякихъ людей. Се проклятие высить уже теперь надъ ихъ головою. Если не покаються и не соединяються зачасту зъ Богомъ небеснымъ, то припечатается сей засудъ страшнѣйшимъ еще словомъ Господя Іисуса при конci свѣта: „Идите, преклѣтіи ѿ мене, въ огонь вѣчный огноготованный діяволъ и йнгеліи єгѡ“. (Мат. 25, 41).

Попозирай, брате и сестро въ Христѣ, на себе. Ци не говорить и до тебе св. Павель? Ци его погроза не повисла надъ тебѣ? Люде не знаютъ, якій ты, але око Божое всевѣдучое видить тебе на скрозвь. Передъ людьми ты праведный, а передъ Богомъ проклятникъ! Люде хвалять и величають, а Богъ небесный одвертае одъ тебе лицо свое. Не сякъ мы по правдѣ, за якихъ насъ люде мають або за якихъ мы себе держиме, але якими мы въ очахъ Божихъ. Ты або праведный и дитина Божа, або невольникъ сатаны закованый путами тяжкого грѣха! У твому сердцю або Богъ Трисвятый живе, и его св. благодать, або залѣзъ тамъ Божій ворогъ діяволъ. Горе намъ, коли станеме на страшный судъ безъ Божоѣ благодати, звязанъ оковами тяжкого смертного грѣха! Тогда не буде намъ мѣста по правицѣ межи праведными, а по лѣвой разомъ зъ проклятыми!

Помѣркуйме надъ симъ всѣ: старѣ и молодѣ, люде и жоны, хлопцѣ и дѣвки. Что посѣшь, то и жати будешь!

Коли тягне тебе искушеніе на образу Божу, нагадай собѣ на се слово св. Павла, а уже сама ся згадка прожене одъ тебе покусу.

Тягне до погарчика и до корчмы, где чекае на тебе твой солодкій цимбора Мошко, ци Абрумко, готовъ якъ піявка сстати твою христіянску кровю и душу твою oddати сатанѣ, най слово св. Павла. „Пяницѣ царства Божого не наслѣдять“, спамятае тебе и

держить далеко одъ корчемного порога. Радше кажи себе привязати, спутати, а не иди поклоны быти передъ идоломъ піянства, бо пьяніця лица Божого оглядати не буде!

Приступить до тебе, молодче, духъ нечистый и заманюе на нечистоту, подсугае нечистъ думки, подпалюе тѣлесну похоть, на языкъ кладе мерзкое, гнилое слово ци пѣсню, най страшное слово апостола Христового прожене одъ тебе далеко сатану, бо „блудники“, „чужоложники“, „розпустники“, „нечистъ“ не мають наслѣдства во царствѣ небесномъ!

Кортить тебе иншимъ разомъ до сего, абы зломити сему Божу заповѣдь и чужое добро собѣ присвоити тайно ци явно, най стане передъ тобою св. апостоль, най въ ушахъ твоихъ загомонить его слово, что злодіѣ, лакомѣ, хижаки, не мають участі въ царствѣ Божомъ и най руку твою задержить при тебѣ, чтобы нѣчого до неѣ не прилипло, а если може и прилипло, абы сейчасъ одстало одъ твоє крещеноѣ душѣ. То слово апостола най прожене одъ тебе агитатора, который — якъ жиды Юду — схоче купити тебе, абы ты продавъ имъ свой языкъ, свой народъ, свою Церковь и свою не поганску, але крещенiemъ святымъ назнаменовану душу! Не братайся зъ Юдами зрадниками туй на земли, чтобысь по смерти не попавъ помежи Юдовъ.

А тебе, жоно, тягне може твоя цимборка до ворожильовъ, чаровниковъ, ци якоѣ инишоѣ поганы, памятай тогда и ты, что идолопоклонники и чаредіѣ не мають мѣста въ небесномъ царствѣ; и сама не шукай собѣ земскихъ боговъ а еще и другихъ одъ сякого одводи!

Тай ты, дѣвко, у котроѣ языкъ не годенъ сидѣти за зубами, але молотишъ нимъ якъ цѣпомъ (молотити, се не твое дѣвочое дѣло) и розсъваешъ плетки, чернишъ, лаешъ, кленешъ, вадишся, гадкуй на се, что самъ св. Духъ каже черезъ св. апостола, что злорѣки, сварливѣ, гиѣваючися, незгодливѣ не будуть у небѣ. (Гал, 5. 20). Не зашкодить памятати и о семъ словѣ, котре тамже читаеме а именно, что черезъ балы и гульню не веде дорога до вѣчного спасенія!

Видиши, брате солодкій и сестро въ Храстѣ, якъ много важныхъ наукъ для насъ всѣхъ кryеся въ простомъ короткомъ словѣ апостола святого. Роздумуйме надъ ними у своею сердцю. Най они насъ освѣтять, най скрѣплять, най заважують передъ путями грѣха, а най держать завсегда на дорозѣ Божої!

А если имилося може да что изъ того, про что говорить туй св. Павель крещеноѣ душѣ нашоѣ, най сейчасъ оно одъ насъ одстане черезъ покаяніе, сповѣдь, покуту. Господь небесный чекае на наше наверненя и поправу житія. „Се, пынѣ, времѧ благодійтно, се пынѣ днік спасенія“. (2. Кор. 6, 2). Не одкладайме покуты, бо: „Страшно єсть єже впасти въ рѣки Бóга живаго“. (Ев. 10. 31). Не земнаа а горнаа небеснаа мѣдрствуйме!

Коли смерть замкне намъ очи, то надъ тѣломъ нашимъ будуть спѣвати слово Псалтира: „Блажени непорочніи въ пыти, ходящіи въ

законъ Господнї». (Пс. 118, 1). Боже дай, чтобы то слово было по правдѣ свидѣтельствомъ цѣлого нашего христіянского житія и передъ судомъ Божимъ!

Пока мы на земли, никто изъ насъ не забезпеченый, никто не може на себе опиратися,proto со страхомъ и трепетомъ спасеніе наше содѣлайме!

*Въ честь Преосвящ. Епископа Пряшевскаго
о. Павла Гайдича Ч. св. В. В.*

*Земля радье и небо ликуе,
Зъ жалемъ пращае Его монашій Чинъ,
Въ городъ Пряшевъ престолъ обоймае
Върный для народа сынъ.*

*Пряшевскій городъ давно вже чекае
Владыку по своихъ думкахъ,
Онъ теперь радо Владыку вытае
И дякуе Богу въ мольбахъ.*

*Весь край радье, доставъ бо Владыку
На доси порожній престолъ:
Несется пѣсня моуша, велика,
Лунае зъ городовъ, сель.*

*Жиите Владыко на „Многая лѣта“
У Господа ласки молѣтъ,
Обы весь народъ колись зъ концемъ свѣта
Вразъ зъ Вами зойшовся въ небесъхъ.*

З. Б.

**Изъ схизматицко-большевицкого раю
на Подк. Руси.**

**Большевицкій крикунъ и схизматицкій батюхъ зджилися
въ Копашновѣ.**

Кто хоть мало познае способъ думаня и поведеня батюховъ, той напевно не буде сомнѣватися о томъ фактѣ, что наибольша часть тыхъ неграмотныхъ „душпастырей“ великою надѣю чекае боль-

шевицькое панованіе. Бо тогды зновъ отворена буде дорога до розбою, до крадежи гр.-каѳ. церквей и фаръ, до свободного газдованія церковными маєтками, до розширенія „православія“ зъ кам'нями та колами.

Иль Копашновъ (округъ Хустъ) оденъ изъ такихъ батюховъ управляетъ духовными дѣлами православныхъ обывателей. Честное его имя: Кенизъ Юра, колишній сельскій урядникъ въ Копашновѣ, бохтеръ (сторожъ); но теперь уже въ республицѣ „православный священникъ“ и яко такій „членъ Епископского Совѣта Православной Церкви въ Подкарпатской Руси“ [Православный Русский Календарь на 1927 годъ, III. ч., 32 ст.]. Сей чоловѣкъ Куръ Архіепископомъ Пражскимъ и всея Чехословакіи госп. Савватіемъ поставленный на батюха, властію своею и одъ Савватія данною въ роцѣ 1922-омъ занявъ гр.-каѳ. церковь и фару и тамъ безжурно сидѣвъ ажъ до 11. мая 1926 р., коли подъ его душпаstryствомъ много бѣды перетерплячъ гр.-каѳ. вѣрники зъ помочію ассистенціѣ окружного журага, скзекутора и 50 жандармовъ одкончили ему одправу выведенія изъ фары. Не охотно бравъ онъ участіе въ сей отправѣ, бо ревучи и нацапки утѣкавъ (черезъ плоть у лѣсъ) изъ фары разомъ зъ своими гардистами-апостолами, котрѣ сокирами, цапинами, кам'нями, колами, склянками изъ пива, горячою водою препятствовали тихое одкончаніе одправы.

Одъ того часу Кенизъ Юра зовсѣмъ одвернувъ свою любовь и симпатію одъ Клофачової партіи (при первихъ выборахъ всѣ схизматики въ Копашновѣ на Клофача-Гагатка голосовали) и прилѣпився до „худобної партії“ большевиковъ. Зачто такъ скоро и нагло перемѣнивъ онъ глубокое свое убѣженіе? Не тяжко сего порозумѣти.

Доки не бывъ урядовою властію оддаленый изъ гр.-каѳ. фары, всегда зъ тымъ хвалився, что онъ коло чеховъ, а чехи коло него стоять, чехи та православнѣ то одно, доки Республика и Прага стоять нема чого боятися, бо тыхъ „проклятыхъ уніятовъ“ никто не послухае, навѣть крестомъ въ рукахъ свѣдчився, что „уніятскій попъ“ николи уже не переступить порогъ церкви въ Копашновѣ.

Але все то не такъ сталося, якъ онъ то мѣсто бубна своимъ языкомъ выголосивъ, бо и Республика и Прага стоять, а помимо того и гр.-каѳ. вѣрники были выслушаны и гр.-каѳ. священникъ переступивъ порогъ церкви, а 11-го мая р. 1926. дуже наглядно указалося и то, что чехи та православнѣ то не одно. Обманувся отже мало копашанскій батюхъ, але не впавъ въ отчаяніе, но тихо притягся подъ тѣнь большевизма и тамъ чекае лѣпшу будучность, коли зновъ буде можно штурмовати на церкви и на фары, коли зновъ настане свобода и можно буде продавати церковнѣ землѣ, соціализовати церковный млинъ и розширити царство схизматицкое огнемъ та колами.

Ось причины, позадъ котрихъ Кенизъ Юра зрадивъ Клофача-Гагатка, попередныхъ своихъ покровителей и на човнѣ своеѣ красної надѣї переплававъ на лѣвый берегъ въ таборъ большевиковъ. Але тамъ другій свѣтъ, другій духъ, іншій край, іншій звичай, іншѣ

тамъ потята, инакше треба тамъ и свистати. Добре похопив онъ се, бо зачавъ голоєти, что „уніяты-римляни“ зъ панами держать, „уніяцки попы“ подпорують ческу буржуазію, „уніяты“ поддалися чехамъ, тому чехи даютъ платню ихъ попамъ, „уніяцкѣ епископы“ не позволяютъ сповѣдати худобныхъ людей, „уніяцка вѣра“ то паньска вѣра и прч. (се послѣдное правою есть, бо основатель и научитель правдивоѣ вѣры Іисусъ Христосъ (паномъ) Господомъ неба и земли бывъ, есть и буде.

Ось слова схизматицкого апостола и евангелиста Юры изъ Копашнова! И чтобы такого рода мудрощъ чимъ лѣпше и глубше причѣпилися до памяти его подданниковъ, здружився зъ однимъ сельскимъ крикуномъ, нѣбыто секретаремъ большевицкоѣ партіѣ въ Копашновѣ и теперь уже разомъ гойкаютъ противъ гр.-каѳоликовъ и ихъ душпастыря, противъ епископа и Рима, противъ пановъ и чеховъ, противъ Республики и Праги, словомъ гойкаютъ, крычатъ, агитируютъ противъ каждого и всього, что лишь може не смаковати большевицкому агитаторови и схизматицкому батюхови.

Дня 13. фебруара 1927 р. сталося то, что коли выйшли схизматики изъ богослужебноѣ мѣстности, помянутый секретарь громкимъ голосомъ воззвавъ товаришовъ, aby слѣдующого дня ишли дрова приготовляти и возити священникovi, бо слуга не буде задармо служити, а кто хоче слугу держати, той най платить, бо теперь такій свѣт е. (Скоро перемѣнився свѣтъ, въ 1919—20 рокахъ батюхи то голосили, что они лишь изъ престола будуть жити). Товарищъ точно и дословно послухали воззваніе „вожда“; другого дня пойшли въ лѣсъ, вырубали товстѣ и довгѣ буки и мѣсто воловъ и коней запрягли самыхъ себе въ саны и тягли батюхови дрова ажъ носомъ землюрыли; але всетаки послухали секретаря и потягли буки ажъ до хижи „отца духовного“ (на бережку лежащої) и указали свою силу, организацію, сыновское „слушаніе“ и товарищеску любовь воловымъ газдамъ, котрѣ не много журилися зъ тымъ, ци мае ихъ батюшко чого класти на огонь.

Юра Кенизъ, выслуженный бохтеръ въ Копашновѣ, теперь же Его Благословеніе отецъ Георгій Кенизъ „православный іерей и недостойный рабъ Божій“ рока 1925-го доставъ отличіе золотого креста одъ „Архіепископа Пражскаго и всея Чехословакіи Куръ Савватія“ въ знакъ ревности и заслугъ около розширенія православної вѣры среди карпаторуського народа. Панове сенаторы и посли комунистичної партії въ Подкарпатскої Руси, не розмышляйте довго, но зашлѣть и вы золоту медалю вашому довѣрникови-секретарю, который и въ Бога вѣрюе, и Ленина величае, и Абрума милуе (корчмаръ въ сель) и товаришовъ умѣе запрягати въ саны, и вамъ служить, и батюха любить, при томъ и православныхъ и васъ дурить. Ану зашлѣть панове-товарищѣ туту медалю, хоть буде ровновага меже батюхомъ отченымъ зъ крестомъ — и вашимъ секретаремъ украшенымъ медалію.

Народнѣ пословицѣ кажуть: видно потя по полету; зъ кимъ поведешся, одъ того и наберешся; познаешь потя изъ пѣря, чоло-

вѣка изъ товариша. Оправдуются сесѣ пословицѣ и въ Копашновѣ въ сихъ часахъ: видно батюха по проповѣданію и поведенію, познаешь батюха изъ большевицкого секретаря, ибо зъ кимъ приставъ, такимъ и ставъ.

Нашъ листы.

Слава Іисуса Христу!

Дорогій Брате! Нынѣ дуже много говорится по селахъ и по городахъ, что всѣ есьме однакѣ. Та най не буде жадного разинства анѣ меже богатыми и бѣдными; анѣ меже паномъ и Иваномъ; анѣ меже попомъ и дякомъ. Най не мае одень больше морговъ землѣ а другій менше. Най будутъ всѣ ровнѣ. Что твоє, най буде и мое. Словомъ най буде всячина спольное (ворошиное). Подобною мудростю вытолковали нашъ схизматики то, что най будутъ и церкви спольнѣ. Разъ буде служити въ ней „уніятскій попъ“ — казали — а пакъ „нашъ“. Но теперь видять, что такій „гешефтъ“ неможливый. Законъ повсюду намъ присудивъ церкви а они мусять собѣ другѣ будовати, обы знали что якъ легко повѣровали батюшкамъ, теперь правѣ такъ тяжко треба платити за ихъ науку. И то дуже мудро! Бо цѣла ихъ агитація ничъ инише, якъ комунизмъ и большевицізмъ.

А сесе зѣлѣчко не лишенъ нашей грекокаѳолической вѣрѣ, но цѣлому христіянству есть наибольшимъ ворогомъ. Коммунисты не треба жадноѣ религії. Читаю въ одной россійской книзѣ (Н. Бухаринъ и Є. Преображенский: *Азбука коммунизма*, изданіе 3-е дополненное. Глава XI., ср. 150), что „Религія (вѣра) есть опиумъ народа.“ (Коли дѣтина не хоче спати и плаче, глупѣ матери наварять маку зъ молокомъ и зъ тымъ погодують дѣтину. Въ маку есть мало опіуму и одѣ того якъ рыба отъ маслагу, дѣтина утихне и заспить. Но если много нагодуєся макомъ, станеся глупою. Словомъ послѣ коммунистовъ и вѣра лишь такій опіумъ и маслагъ). Се у нихъ така „истинна“ (?) которую хотять „здѣлать понятнымъ самимъ широкимъ кругамъ трудящихся массъ“. Коммуністамъ религія есть лишенъ „однимъ изъ могущественнѣйшихъ орудій въ рукахъ угнетателей, чтобы такъ поддержвати неравенства и рабской покорности трудящихся.“ Такъ безлично говорять о вѣрѣ. Однакожъ где-которѣ нашѣ русины заступаютъ коммунистовъ. Голосують на нихъ. Вписуються до ихъ партії. Читають ихъ газеты. „Я вѣрю въ Бога, хожу до церкви. Сповѣдаюся. Но я можу быти проходжий добрый христіянинъ, тай добрый коммунистъ!“

Знаешь, что кажуть на такихъ людей коммунисты? Ану слухай! Кажуть, что „такое разсужденіе въ коренѣ невѣрно. Религія и коммунизмъ несовмѣстими ни теоретически, ни практически! Они не хотять знати о прорицанію Божомъ. Богъ — учать

они — не мѣшаеся въ нашѣ дѣла. Всюо есть природный законъ. Божа сила, чудеса, но думцѣ коммунистовъ суть выдумками. То, что Богъ створивъ свѣтъ, что Сына своего давъ чтобы каждый кто вѣруе въ него, мавъ животъ вѣчный; то, что Христосъ слѣпыхъ, хромыхъ, глухыхъ, бѣсноватыхъ вылѣчивъ, на морю ходивъ, умеръ, воскресъ и вознесся на небо — у коммунистовъ заказано вѣровати. Обысь не думавъ, что я изъ перста выссавъ сесѣ думки або „кlevetu“ на коммунистовъ. Нѣть! Въ ихъ „катехизмѣ“ читавъ, вотъ такое: „Коммунизмъ находится въ самой непримиримой враждѣ со всякими религіозными выдумками.“

Не знаю собѣ потолковати, якъ може оденъ чоловѣкъ спѣвати на Рождество І. Хр. что: „Съ нами Богъ“ — або: „Богъ предвѣчный народився“, якъ годенъ чоловѣкъ радоватися велико-дной пѣсни: „Христосъ воскресъ изъ мертвыхъ...“ и разомъ быти коммунистомъ!? Оденъ коммунистъ большу ганьбу приносить на крестъ, на Христа, на вѣру, якъ тотъ жидъ, который никогда не бывъ покрещеный. Бо „коммунистъ, отбрасовающій заповѣди религіи и дѣйствующій по предписаніямъ партіи, перестаетъ бытъ вѣрующимъ. Вѣрующій и называющій себя коммунистомъ, нарушающій предписанія партіи во имя заповѣдей религіи, перестаетъ бытъ коммунистомъ.“ Каже коммунистичный китехизмъ.

И „лжеправославіе“ для того было треба, чтобы въ русинахъ вѣру загастити. Знали что зъ каѳолическою Церковію не такъ легко боротися. Пока въ другихъ державахъ, гдѣ католицка церковь силнѣйша коммунизмъ не могъ закоренитися, доты въ „православной“ Россіи скоро и сильно приявся. Зато першійразъ одѣ католицизма было треба и нашего русина одщепити. Одѣ православія уже коротка дорога веде до субботарства, сектарства и безвѣрія. Неотмѣнно чуешь и Ты такѣ слова: „Только вѣръ, что не знати котра добра. Кобы было что ъсти, та грошей заробити. Вѣра най буде яка хоче!“ — Случилося, что оденъ панъ, которому жидовска религіи не треба то казавъ: „Вѣры между собою борятся и только противныхъ мнѣній есть въ нихъ, что тотъ есть наймудрѣмъ чоловѣкомъ, который анѣ до одної анѣ до другої религіи не прилѣплялися, но жіе безъ религії“. — Коли сесѣ слова чує другій панъ, начне толковати безрелигійному: „Прошу противнѣ мнѣнія находятся и въ томъ вопросѣ, что якими пищами треба намъ кормитися. Однѣ кажуть, что лишь мяса треба ъсти; другѣ совѣтують, что лишенъ зеленины (vegetariani) бо мясо шкодить здоровю; нѣкоторѣ лѣкарѣ вручаютъ кожного тиждня оденъ день посту. Кнейпъ забороняє уживати подъ обѣдомъ якого небудь напою, и т. д. Якъ видите мнѣнія дуже розходяться что ти-чеся вопроса кормленія. Но кто хотѣвбы изъ того такое заключеніе сдѣлати, что тотъ робить наймудро, кто совсѣмъ ничего не ъсть!“.

Одѣ теперъ та же, коли противъ вѣры, религіи будешъ дачто чути, спознаешь что то вѣтеръ коммунистовъ. Варуй себе и другихъ противъ сего несчаствя. А если дакто изъ межи васъ въ семъ блудѣ находиться, най держитъ своею повинностю при сповѣди пасхальной сей грѣхъ противъ вѣры и Церкви сповѣсти.

Что ся тыче до вопроса что „ци всѣ есьме ровнѣ“ напишу позднѣше. Правда, у мене старчить папера и чернила, лишь боюся, что у тебе не буде старчити терпеливости до читаня сего листа. Зато докончаю строки мої и искренно поздоровляю всѣхъ,
— Вашъ другъ: **Ермолай.**

Де знайти правду?

Написавъ свящ.: ТЕОДОЗІЙ ЛЕЖОГУБСКІЙ.
(Продовження).

Яку вѣру приняли Русини?

Въ томъ часѣ, коли Церковь греческа була соединена зъ Церквою Христовою, приняли христіянску вѣру и нашъ предки, а приняли європейською за великого князя кіевскаго св. Володимира въ р. 988.

Тогда такъ восточна якъ и каѳолическа Церковь були одною Церквою каѳолическою и рожнилися только обрядомъ. Русь, котра прияла вѣру изъ Царгороду, прияла європейську по греческому обряду и такъ само якъ греческа, признавала папу головою Церкви. Тому то всѣ, котрѣ думають, что Русини, коли прияли христіянску вѣру, прияли ей тогди, коли греческа церковь уже була одорвалася одъ каѳолическою Церкви, не знають зовсімъ исторії. Прадѣдною вѣрою руського національного характера є каѳолическа вѣра.

— Такою самою прадѣдною вѣрою и для россійского народа є такожъ каѳолическа вѣра, бо якъ ізвѣсно, уже за часовъ св. Володимира та Ярослава розповсюднилося христіянство и на тихъ земляхъ, на съверъ одъ Кієва, дс повставъ россійской народъ.

— Что нашъ предки були каѳоликами и что такими каѳоликами остали навѣть якійсь часъ потомъ, якъ греческа Церковь одпала одъ правдивої Христової Церкви, видно изъ того, что сталося въ половинѣ одинайцятого столѣття въ Царгородѣ.

Роздоръ за Керуларія.

— Въ одинайцятому столѣтію греческа держава не була уже такъ сильною, якъ була передъ тымъ. Цѣsarї були слабѣ и часто случилося, что гдеjakъ люде робили повстаня, скидали изъ цѣsarскихъ престоловъ цѣsarovъ и повставляли своихъ. Таку то революцію зробивъ противъ тогдашнього греческого цѣsара якійсь Михайлъ Керуларій. Та революція не удалася. Керуларія зловлено та засуджено на смерть. Але за нимъ вставлялися вyzначнѣ люди и зго помиловали, только за кару зробили его скопомъ и замкнули до монастиря. Изъ монастиря удалося Керуларіеви утеchi. Онъ зробивъ революцію другїй разъ и симъ разомъ удалося ему посадити на цѣsarскомъ престолѣ свого покровителя.

— Сей оддячуючися Керуларіеви зложивъ изъ патріяршого

престола законного патріярха, а на его мѣсто поставивъ патріярхомъ Керуларія. Керуларій знатъ на певно, что его папа не потвердить, а то тимъ больше, бо онъ, якъ только что ставъ патріярхомъ, напавъ на домуи своихъ вороговъ, поубивавъ ихъ, а ихъ жѣнокъ и дѣтей збещестивъ. Такъ розказуе греческій историкъ Георгій Кедринъ.

— Той самий историкъ оповѣдае дальше, что Керуларій властными руками выколовъ очи своему добродѣви, который за нимъ ставлявся тогды, коли его по неудатной, першой революціи, засудили на смерть.

— Керуларій, оставши патріярхомъ, позамыкавъ въ Царгородѣ всѣ латинскѣ Церкви, а Найсвятѣйшѣ Тайны освяченѣ по латинскому обряду, подоптавъ ногами та оголосивъ, что не признае папу головою Церкви, бо латинска Церковь одпала одъ правдивоѣ Церкви Христовоѣ.

— Противъ римскої Церкви не могъ поднести ніякихъ иныхъ закидовъ, якъ лише тѣ, что ихъ поднесъ бывъ двасто роковъ передъ тымъ Фотій, и про котрѣ мы уже говорили.

— Хотя тѣ закиды были обговоренѣ уже на осмомъ вселенськомъ соборѣ въ Царгородѣ въ р. 869 и хоть самъ греческѣ епископы признали тогды, что они суть зовсѣмъ безосновнѣ, кромѣ того папа Левъ IX. въ обширномъ письмѣ одповѣвъ на нихъ, та выславъ до Царгороду своихъ одпоручниковъ, чтобы Керуларія наклонити до покиненя блудноѣ науки и до послуху законной власти. Греческій цѣsarъ принялъ одпоручниковъ папы зъ повною почестю, але Керулярій не хотѣвъ зъ ними навѣть говорити. Коли всякѣ страня пословъ остали безусшьшими, тогды они въ присутности духовенства и народа, положили на престоль Церкви св. Софіѣ въ Царгородѣ грамоту, якою Керулярія ставъ выключенымъ изъ Церкви. Было се въ юлію 1054. р.

— Одкинувши власть папы, хотѣвъ Керулярій самостойно рядити не лише Церковію, але и державою. Носивъ цѣsarскѣ одзнаки, бунтовавъ народъ противъ цѣsара, за что прогнаный зъ Царгорода, померъ безъ покаянія (въ роцѣ 1059).

— Грѣхъ гордости, котрый одорвавъ ангеловъ одъ Бога, та бывъ грѣхомъ прародичовъ, одорвавъ и греческу Церкву одъ спольного пня. „Она покинула скалу св. Петра, тверду, непохитну основу, а зачала глядати собѣ основы въ греческихъ цѣsарахъ, а позднѣйше въ турецкихъ сultanахъ, такъ и подпала она цѣkловито подъ свѣтскую власть такъ, что одъ того часу рядять нею не духовнѣ начальники, не наслѣдники св. Петра, якъ се было до Керулярія, а люде свѣтскѣ, часто люде безбожнѣ.

— Греческѣ цѣsarѣ, для котрихъ вѣра была неразъ рѣчею байдужною, были вдоволенѣ, что патріярхи не слухаютъ папы, а у всѣмъ повинуються имъ. Епископами выбирали такихъ, якѣ умѣли знайти собѣ ласку у цѣsара. Народови не говорили ничего про папу. Онъ може и не знатъ, якъ его начальники запродали и одорвали одъ правдивоѣ вѣры.

Ци Русь одпала одъ каѳолическоѣ Церкви за Керуларія?

Тѣ самѣ послы папы Льва IX., котрѣ выкляли Керуларія, поѣхали изъ Царгорода до кіевскаго митрополита св. Иларіона. Се бывъ першій митрополитъ Русинъ, чоловѣкъ великоѣ святости и науки. Сповѣстили праведника про сумну подію въ Царгородѣ, а св. Иларіонъ принялъ ихъ зъ найбóльшою почестю, чтобы зазначити, что хоть Царгородъ одпавъ одъ правдивоѣ Церкви, онъ якъ начальникъ греческоѣ Церкви на Руси, остане вѣрнымъ апостольскому престолови. И оставилъ сыномъ каѳолическоѣ Церкви, а зъ нимъ и весь руській народъ.

— Что Русины еще довгій часъ належали до правдивоѣ Церкви Христовоѣ, видко такожъ и изъ слѣдуючоѣ подіѣ.

— За часовъ княза Изяслава, стали поганскѣ Турки чимразъ больше грозити Царгородови. Правовѣрнѣ христіяне боялися, чтобы мощи св. О. Николая, что спочивали въ мѣстѣ Мирѣ, де онъ бывъ архіепископомъ, не попали въ руки поганъ, перенесли ихъ до мѣста Бари въ Италіѣ въ р. 1090. Папа довѣдавшия про се, дуже зрадовався, что добрѣ люде утратовали св. мощи и на сю памятку установивъ свято: „Перенесенія мощей св. Николая изъ мѣста Мирѣ, до мѣста Бари“, — на день 9. маю. Та греки не послухали папы, бо уже не важали его головою Церкви, але Русины дуже радо завели се свято у себе и до нынѣ святкується у насъ. Изъ сего найлѣпше видко, что руска Церковь признавала тогды папу головою Церкви.

— Еще довго пановала католическа Церковь на Руси. Рускѣ князи та княгинѣ жили въ дружбѣ зъ западными, каѳолическими князями та королями, заключовали зъ ними супружество, якъ дѣти одноѣ матери Церкви. Русины честовали римскій обрядъ, а латинники греческій, бо однѣ и другѣ знали, что можно быти найвѣрнѣшимъ сыномъ каѳолическоѣ Церкви такъ якъ одномъ, якъ и въ другомъ обрядѣ.

Роздоръ на Руси.

— Та часомъ отруя, что убила правдиву вѣру въ греческой Церкви, стала заходити и въ здорове тѣло рускоѣ Церкви.

— Изъ Кієва, где бывавъ рускій митрополитъ, до Царгороду дуже недалеко, а еще и дорога легка, бо рѣкою Днѣпромъ та Чорнымъ моремъ. Зато часто, а навѣть дуже часто, приходили изъ Греції епископы та священники и засѣдали на рускихъ епископствахъ, та парохіяхъ.

— Сѣ греческѣ священники ненависть противъ папы римского защѣплювали и въ сердцахъ рускихъ священниковъ, князовъ, а такъ и народа, спершу тайно, а згодомъ чимразъ явнѣйше такъ, что уже въ XII-омъ столѣтію видиме на митрополичомъ та епископскихъ престолахъ людей, затроеныхъ Керуларіевскою ненавистю супротивъ головы Церкви.

— И чтобы рускій народъ збаламутити, списовали греки письма та пустили ихъ въ народъ, якбы то письма рускихъ святителіовъ,

которыхъ народъ почитавъ дуже wysoko. Бо и хитръ были съ Греки. Самъ преподобный Несторъ, першій рускій лѣтописецъ, монахъ славнозвѣстноѣ кіево-печерскої Лавры, кто живъ зъ початку XII-го столѣтія, пише, что Греки лѣстивъ (подступнѣ) были.

— Такъ примѣромъ, якій хитрый Грекъ, кто назывався Феодозій, написавъ письмо противъ каѳолическої Церкви, якбы то было письмо св. Феодозія Печерского, до князя Изяслава. Св. Феодозій бывъ великимъ святымъ и першимъ игуменомъ кіево-печерского монастыря. Онъ уложивъ первое правило для рускихъ монаховъ и бывъ найвѣрнѣйшимъ сыномъ каѳолическої Церкви, котрого она и почитає святымъ.

— Писатель сего письма, „лѣстивый Грекъ“, радить князеви Изяславови: „Зъ латинниками не братайся, не кланяйся имъ, не цѣлуй ихъ, не ъдѣль и не пий зъ ними изъ одноѣ посуды, бо они жіють нечисто, ъдѣять зъ котами и собаками, ъдать левовъ, дикихъ коней, ословъ, удушенину, мясо изъ медвѣдя и бобра, а навѣть бобровый хвостъ. Они не цѣлують ни святыхъ образовъ ни мошней, а цѣлують крестъ на земли (се нашъ поклоны) и много, много иныхъ дробницъ“. Де такъ рѣчи могъ писати св. Феодозій Печерскій? А народъ вѣривъ своимъ „лѣстивимъ“ учителямъ и ставъ чимразъ больше не-навидѣти латинянъ, а зъ ними и каѳолическою Церковь.

(Продовженя слѣдуе.)

ВЪ ОБОРОНЪ ВѢРЫ.

1. „Чому — звѣдаються схизматики — у насъ при вѣнчаню не божать, а у греко.-каѳ. Церкви божать?“

2. Чому Церковь греко-каѳ. вѣнчає у роду двохъ братовъ и двѣ сестры, и схизматицка не хоче и говорить, что се не свободно?“

Отвѣтъ на первый вопросъ. Св. Христова Церковь знає, что изъ установы Іисуса Христа Тайна супружества е свята и что довершенного супружества христіянскаго не може никто розорвати, бо оно изъ воли Іисуса Христа має быти нерозрывное. Тому домагаєся, чтобы съ, котрѣ заключаютъ супружество, брали дѣло поважно, а не на легко. Чтобы скрѣпiti свою взаимну обѣтницю супружу, взыывать вѣриѣ дѣти св. Церкви при вѣнчаню на помочь Бога и Святыхъ, ибо они знаютъ добрѣ, что малженскѣ обовязкѣ суть тяжкѣ и безъ небесноѣ помочи не годнѣ ихъ точно сповняти. Схизматики же и безбожнѣ на легко беруть супружество. Они супружеску звязь такъ легко розвязуютъ, якбы вѣнчалисѧ не якъ христіяне въ Церкви и на цѣлый животъ, ажъ до смерти, але якъ жиды на смѣтю, або у нотароша на пару лѣтъ. Тому то и на легко беруть заключованя супружества. А чому схизматики не божать, то позвѣдайтесь ихъ самыхъ, бо е ихъ еще тамъ на жаль достя надъ берегами чистоѣ Тисы.

За отвѣтомъ на другій вопросъ пойдѣть тоже до сихъ, что ка-
жуть, якбы братя не могли женитися зъ сестрами. Мы сыны
св. Церкви знаеме. Брать, который взявъ себѣ кого за жону, не
годенъ по еѣ смерти безъ дозволенія св. Церкви женитися зъ
еѣ родною сестрою, ани жона по смерти мужа не може безъ дозво-
ленія (диспензаціѣ) oddатися другій разъ за мужового брата, бо они
зъ собою посвояченъ, але братъ мужа може брати родну сестру
жоны, а сестра жоны може oddатися за шогрового брата, бо они
себѣ чужъ а не свойня. Супружескѣ перепоны має право установ-
ляти кромѣ сихъ, что установленъ въ св. Евангеліѣ, лишь одна св.
Церковь Христова а никто другій, и Еѣ святыхъ установъ треба
прилѣжно держатися, а не своимъ Богомъ ходити.

То саме треба сказать и про часъ, коли вѣнчатися. Само по
собѣ можно бы вѣнчатися все не лишь въ мясницѣ, але и въ постѣ.
Но тому, что свадьба звычайно лучиться зъ забавою и танцями, а
се не лицюе зъ настроемъ постнымъ и перешкаджає осягненю цѣли
поста се е покаянія, св. Мати Церковь забороняє одправляти въ
постѣ весіля и забавы. Но якъ зайде якась потреба, то тогды св. Цер-
ковь позволяє на вѣнчаня и въ постѣ, але скромное, безъ великої
забавы и широкої гулятики. Ось маєте отвѣтъ на вопросъ, где звѣ-
дуєтесь: „Чому схизматики не вѣнчають у постѣ, а нашимъ священ-
никамъ можъ у постѣ вѣнчати?“ И нашимъ не можъ, лишь якъ епи-
скопъ изъ важныхъ причинъ дозволе. Видите, яку то баламуту роб-
лять сесѣ несовѣстнѣ платнѣ схизматикѣ агитаторы! Варуйтесь
передъ ними!

[Богомолецъ].

Мѣсячное намѣреніе на Апрѣль.

„Розширеніе доброѣ пресы“.

НЕДАВНО на розпоряженіе нашего Владыки, по всѣхъ нашихъ
фарахъ збиралисъ датки на доброѣ книжки и новинки (пресу).
Теперь св. Отець завзыває членовъ Апостольства Молитвы, чтобы
молилися до Пресв. Сердца Іисусового за розвой христіянскої доб-
роѣ пресы. А чому? Тому, что письмомъ и печатанымъ словомъ
розвивається Боже царство, але и царство діявола хоснуєся друко-
ванимъ словомъ до розпространенія грѣха и вѣчноѣ загибели. На-
жалъ мусиме се признати, что вороги заволодѣли сего дня пресою
майже цѣлого свѣта. Книжками, новинками, летючками, брошурками
розсѣвають помежи людьми зерно фалшу и брехнѣ, отровують люд-
ское сердце блудомъ и грѣхомъ, зводять людей зъ Божої дороги,
гасять въ нихъ огонь Божої любви и промошують дорогу до пекла.
Люде научилися читати, тай тому много хочуть читати. Якъ тѣло
кормиться хлѣбомъ, такъ для душѣ книжка. Добрий, здоровий хлѣбъ
для тѣла здоровльемъ и крѣпостію, нездоровый же зацвилый спри-
чиновує хвороты, такъ и книжка, якъ она добра, якъ у ней правда,

тогда освѣтить розумъ и розогрѣе сердце та скрѣпляе волю, якже она зла, переповнена безвѣріемъ и грѣхомъ, такъ несе зъ собою моральну гниль, смерть и загибелъ. Нынѣшное поганство, безвѣріе и неморальность, котрѣ видиме межи людьми, се въсю овочѣ не добрыхъ книжокъ и новинокъ. Чтобы сему лихови запобѣгти, треба дати людямъ добрѣ, христіянскимъ духомъ пересякненѣ письма. Божѣ вороги задаръ утискають у руки крещеного народа своѣ погубнѣ книжки и новинки, слуги же Божѣ не розпоряджають грошевыми фондами, не въ силѣ черезъ се якъ треба протидѣлать злому вплывови. Гуй мусять всѣ вѣрники, котримъ на сердцю лежить Божа справа, прїйти зъ помочію моральною и матеріальною. Помагаютъ до розпространенія Божого царства на земли тѣ, котрѣ грошевими датками причиняються до выданя доброѣ книжки, морально подпомагає добру пресу, кто молиться за христіянскихъ писателей и за добру книжку. Та сего за мало. Кто изъ насъ любить Христа Господа, той буде горячо желати, абы и другъ упознали и полюбили Христа Іисуса. Найкрасшимъ же средствомъ а для многихъ одинокимъ средствомъ до познанія и любви Іисуса Христа суть якразъ доброѣ письма. Проторевный почитатель Христового Сердця буде змагатися всягды, где лише зможе апостоловати доброю книжкою ци новинкою. Не лишь самъ буде читати доброѣ письма, а злого и до руки не возьме, але еще и межи другими буде розширяти доброѣ христіянскѣ письма. У насъ Богу дяковати е уже доста добрыхъ писемъ, новинокъ и книжокъ, котрѣ служать Божої справѣ, хотяй не хибуетъ тоже и всякого безбожного смѣтя. „Благовѣстникъ“ въ каждомъ числѣ поручає сякѣ доброѣ письма. Кого лишь на се стати, довженъ мати у себе якусь новинку добру, ци здорову книжку. Особливо почитатель Христового Сердця. Ци ты, брате солодкій, маешь въ своеї хижѣ много добрыхъ новинокъ и книжокъ, ци може тобѣ у руки встромивъ Божій ворогъ, якій плаченый агитаторъ-пройдисвѣть, свой пекельный крамъ? Ци и что читається въ твоїй хижї? Добре ци злое? Якѣ книжки въ рукахъ твоихъ дѣточокъ, або въ вашої читальнї. Для злѹ книжки мѣсто въ огни! Подумай же надъ симъ, якимъ способомъ станешъ апостоломъ доброѣ пресы и ревнымъ почитателемъ Христового Сердця! При доброй рѣшучої волї знайдеся и отвѣтний способъ. Попробуй!

ДОПИСИ.

Пане Редакторе!

Тысяча разъ благодарю, что был'исте ласкавѣ помѣстити до „Благовѣстника“, якъ нещастно упавъ зъ турнѣ Николай Лемко; а теперь смиренно прошу еще помѣстити то, чтосталося дале зъ нимъ. Схизматики коли увидѣли розбитого у крови лежати, дуже напудилися, бо прийшло имъ вшытко до ума, что буде теперь, умре майстеръ, что буде зъ его женою, что буде зъ дѣтьми безъ отца, роботницка касса не плачена, будинокъ на принадлежномъ мѣстѣ не бывъ заявленный, лѣкареви не плачено и т. д.

На другій день привели до Николая якогось батюха, котрый теперь у Сокирници валяєся, чтобы его высповѣдавъ. У тыждень понесли Лемка у Севлюшку больницю, але помочи ему не могли и принесли его назадъ. Туй, коли чувствовавъ, что смерть за плечима, нечиста совѣсть почала его мучити, грызти и обы успокоився, давъ позвати до себе свого гр. каѳ. священника и коло него покаявся, высповѣдався и причащався.

Одъ того часу за свѣтъ не хотѣти коло себе видѣти кривославного, бо якъ казавъ что черезъ ихъ обманство вшытко треба было ему утратити, але теперь якъ навернувшись, чувствуе у собѣ таку велику радость, яку уже давно не мавъ.

Схизматики по сему лишили его. Но коли учули, что Николай ставъ безпамятнымъ, сей часъ окружили его, и якъ умеръ, дали его на силу зъ батюхомъ погребсти.

Смѣшное дѣло Пане Редакторе, что нововѣрцѣ несправедливо самѣ себе „православными называють, коли уже всѣ стали комунистами, а сесь то спѣваюти и говорять, что имъ и Богъ не поможете. Тадь видиме, что Богъ небесный черезъ нихъ и нась карае, зато не маеме уже что ѿсти. Може радоватися имъ Ириней бискупъ, бо задаръ, айбо страшно префайнѣ, благъ, солодки овечки мае.

Густборонява, 7. III. 1927.

Православный христіянъ,
а не схизматикъ.

Почтенный Пане Редакторе!

Изойшлися схизматики и начали мудровати. Наймудрѣйшій почавъ:

— „Видѣте и изъ сего можете видѣти, что вуста и бороду треба носити, бо тадь и у церкви спѣваютъ: „Да исполнятся уста наша“ и т. д.

Дорогъ братя, сей пророкъ еслибы зналъ письмо, то онъ бы не говоривъ сяку глупость. Слово „уста“ только значить якъ ротъ, а не усы ци баюсы, се брехня.

Научилися добре брехати, лишь обы не были у нашей вѣрѣ. Се суть ложнѣ пророки! Сокотѣтсѧ, бо туй суть!

Хустъ, 6. III. 1927.

Зъ почтеніемъ И. Бигунъ.

НОВОСТИ

Преосв. епископъ П. Гайдичъ дня 10-го марта занявъ свой епископскій престолъ въ Пряшевѣ. Изъ сеѧ нагоды привѣтствовавъ Его цѣлый Пряшевъ, зъ щирою радостю. Преосв. епископъ 15-го марта поѣхавъ въ

Римъ, где 25-го одбылося Его епископское посвященіе.

О. Ст. Решетило дома. Дня 18-го марта вернувшись о. Ст. Решетило міссіонеръ изъ М. Повчи до Ужгорода. Правительство на енергичный выступъ Преосв.

епископа и на протестъ нашихъ вѣрниковъ дозволило, чтобы сей ревный працювникъ Христового винограда дальше працювавъ на Подк. Руси для блага руського народа. Ся вѣсть наповняе радостю сердця всѣхъ ревныхъ христіянъ-русиновъ.

Три новѣ священники. 12-го фебр. были посвященѣ три богословы нашоѣ епархіѣ. Пав. Карцубъ (именованый до Вел. Лучок) Едм. Югасъ (им. сотрудникомъ до Требишова) и Мих. Дзюровчикъ (им. до Синевира). Жатва велика а роботниковъ мало.

Передали въ Дуловѣ (окр. Хустъ) **церковь.** Якъ въ другихъ селахъ въ хусткомъ окрузѣ, такъ и въ Даниловѣ на зводительное слово агитаторовъ перейшло цѣлое село на схизму. Але у якійсь часъ люде вытврелилися, и якъ разъ той головный агитаторъ, кто перевѣвъ цѣлое село, теперь освѣщений Духомъ святымъ привернувъ майже цѣлое село назадъ до Христової Церкви. Дня

Короткѣ вѣсти. Въ оборонѣ столичного города Ужгорода изъ нашоѣ епархіѣ заслали 350 протестуючихъ телеграмовъ. — Найближій евхаристичний конгресъ г. 1928. буде въ Sidney (Австралія). Австралія має 6 мил. жителіовъ, изъ сихъ католиковъ: 1.500.000. — Въ Мадярщинѣ арестовали 100 комунистовъ, котрѣ хотѣли зробити револуцію. — Изъ Совѣтскої Россії и України выповѣдженѣ всѣ священники, котрѣ мають заграницнче горожанство.

БЛАГОДАРЕНИЕ.

Зъ найглубшимъ почутъемъ благодарности и покорности выражаютъ свою подяку нашему пресолодкому Госп. Іисусу Христу, Его найсв. Сердцю и благосерднимъ моимъ патронамъ: Пр. Дѣвѣ Марії, св. Іосифови, св. Николаю, св. Іосафату за полученѣ великѣ Божѣ ласки.

Пряшовъ, 8. III. 1927.

Е. Б.

ПОДЯКА. Грицакъ Стефанъ пожертвовавъ на фондъ „Благовѣстника“ 17 Кч. 70 гел. За щирый даръ, щирое благодареніе.

За благословенiemъ Епархіальною Правительства Мукачевскаго.

15-го фебруара было торжественное пересвяченія церкви, что кончивъ о. Др. Луд. Миня копашанскій душпаstryрь. Ся самовольна передача церкви и щирое наверненіе цѣлого села мае быти прикладомъ для всѣхъ заблужденыхъ схизматиковъ.

Оставилъ схизму. Въ Мал. Давидковѣ въ минулыхъ мѣсяцяхъ дѣйствовавъ батюшка Влад. Виценикъ. Онъ бывъ одень изъ найинтелигентнѣйшихъ священиковъ Чиричъ Иринея, сербскаго схизм. епископа. Подъ короткимъ часомъ пересвѣдчився, что подкарпатска схизма, то е религійный большевизмъ и рѣшивъ оставить схизму. Дня 27-го фебруаря зложивъ вѣроисповѣданіе въ церкви Мукачевской. На Службѣ Божої спѣвавъ хоръ Вел. Давидковскій. Бывшѣ вѣрники батюшки изъ части ладятъся такожъ перейти на гр. каѳ. вѣру, изъ части же переходити на ересь баптистовъ. Ириней може радоватися первому плоду своего дѣйствованія на Подк. Р.